

Visoki predstavnik imenuje članove ustavnih komisija u entitetskim parlamentima

U skladu sa svojom odlukom od 11. januara 2001. godine, Visoki predstavnik, Wolfgang Petritsch, jucer je imenovao članove Ustavne komisije Zastupnickog doma Parlamenta Federacije Bosne i Hercegovine kao i Komisiju za ustavna pitanja Narodne skupstine Republike Srpske. Obje komisije sastoje se od po 16 članova: četiri Bosnjaka, četiri Srbina, četiri Hrvata i četiri člana iz reda Ostalih.

Svi članovi izabrani su sa listi kandidata koje su predložile političke stranke zastupljene u Zastupnickom domu FBiH i u Narodnoj skupštini RS. Ipak nisu sve stranke predložile kandidate, iako je to od njih zatraženo u pismu kojim im se obratio Ured Visokog predstavnika 16. januara, preko predsjedavajućih oba parlamenta. Rok za dostavljanje imena kandidata bio je 26. januar.

Komisije približno odslikavaju zastupljenost stranaka u pomenutim parlamentima. Njihovi članovi su ili zastupnici ili stručna lica. Ustavnom komisijom u Zastupnickom domu FBiH predsjedavace Jakob Finci, dok će Komisijom za ustavna pitanja u Republici Srpskoj predsjedavati Miroslav Mikes. Obojica dolaze iz grupe Ostalih.

Neće ostati neprimijeceno da ni u jednoj od ove dvije komisije nema predstavnika HDZ-a (Hrvatske demokratske zajednice). Razlog za to je vrlo jednostavan: uprkos brojnim zahtjevima upućenim HDZ-u da dostavi imena kandidata za ove važne organe, čiji je zadatak da osiguraju prava konstitutivnih naroda, HDZ nije ispunio svoju obavezu da brani interese hrvatskog naroda u Bosni i Hercegovini. Čini se da ovoj stranci nije stalo do zaštite hrvatskih interesa u Federaciji i BiH kao cjelini.

Zbog toga su hrvatska mjesta u komisijama popunjena Hrvatima iz drugih stranaka.

Visoki predstavnik je zapanjen kontrastom izmedju HDZ-ove retorike o potrebi za odbranom interesa hrvatskog naroda i ponasanja koje ta stranka pokazuje kada uistinu dodje do odbrane tih interesa. A to je nista drugo do nebriga prema hrvatskom narodu u BiH. Ne samo da HDZ odbija da ucestvuje u ustavnim komisijama; stavise, on gazi dostojanstvo najviseg suda u Bosni i Hercegovini – Ustavnog suda – i ignorira volju svog birackog tijela time sto odbija da ucestvuje u formiranju Doma naroda FBiH. Ukratko, HDZ okreće leđa svojoj obavezi da štiti interese Hrvata BiH. Visoki predstavnik cijeni cinjenicu da, izvan HDZ-a i njegovih satelitskih stranaka, postoje i drugi Hrvati, koji su istinski spremni da aktivno rade u interesu Hrvata BiH i njihovih buducih generacija.

U skladu sa svojom odlukom od 11. januara 2001. godine, Visoki predstavnik očekuje od predsjedavajućih da odmah sazovu sastanak komisija. Mora se početi sa ozbiljnim radom na provođenju odluke Ustavnog suda poznatoj kao “odluka o konstitutivnosti naroda”. Izmjene i dopune entitetskih ustava u skladu sa tom odlukom cinit će okvir za usvajanje izbornog zakona, koji već dugo kasni, a koji je osnovni preduvjet za prijem Bosne i Hercegovine u Vijeće Evrope, te jedan od uvjeta iz smjernica Evropske unije (EU Road Map). Na svom zagrebackom samitu održanom 4. novembra 2000. godine, Evropska unija je zatražila od Bosne i Hercegovine da ispuní uvjete iz smjernica do sredine 2001. godine, nakon čega bi se izradila studija izvodljivosti sklapanja Ugovora o stabilizaciji i pridruživanju između EU i BiH.

Visoki predstavnik i njegovi suradnici se nadaju da će zajedno sa ustavnim komisijama povesti Bosnu i Hercegovinu ka evropskoj budućnosti, u kojoj su prava i slobode i pojedinaca i grupa zagarantirane i ostvarive. Bosna i Hercegovina pripada Evropi. I – to je sigurno – za ovu zemlju i sve njene narode nema druge budućnosti.

Ustavna komisija Zastupnickog doma Parlamenta Federacije Bosne
i HercegovineKomisija za ustavna pitanja Narodne Skupstine
Republike SrpskeBosnjaciMirsad Ceman
Sahbas Dzihanovic
Seada Palavric
Sabrija Pojskic
BosnjaciSenija Bubic
Remzija Kadric
Halid Kulenovic
Sulejman Tihic
HrvatiIvan Brigic
Slavo Kukic
Senka Nozica
Mato Tadic
HrvatiMirko Colic
Niko Jurinic
Pejo Krnjic
Tomislav Tomljanovic
SrbiVelimir Kunic
Dusko Milidragovic
Slavisa Sucur
Sreto Tomasevic
SrbiDragan Kalinic
Radomir Lukic
Dragan Mikerevic
Krstan Simic
OstaliJakob Finci
Dragan Ivanovic
Igor Rajner
Mehmed Suljic
OstaliVladimir Blaha
Mihajlo Brelak
Miroslav Mikes
Branko Morait